

Communicaziun a las medias dal 1. da settember 2022

La Banca Chantunala Grischuna undrada sco «Best Recruiter Schweiz»

La Banca Chantunala Grischuna (BCG) vegn danovamain undrada cun l'award «Best Recruiter Svizra». En l'analisa da quest onn resorta la banca per la sisavla giada en roda sco victura da la branscha bancas/prestaziuns finanzialas e fa il quart plaz en la valitaziun generala. La distincziun sa basa sin in'examinaziun dals 447 pli gronds patruns en Svizra ed en il Liechtenstein.

La chasa editura internaziunala Career examinescha mintg'onn il marketing da persunal e la qualidad da la recrutaziun da persunal d'interpresas en Svizra, en il Liechtenstein, en Germania ed en l'Austria. La BCG gudogna per la sisavla giada il certificat d'aur «Best Recruiter Svizra» en la categoria bancas/prestaziuns finanzialas. En la valitaziun generala da tut las interpresas svizas examinadas fa la BCG il quart meglier resultat.

«Che nosssa banca è puspè vegnida undrada cun il Best Recruiter Award è il resultat dal svilup permanent da nosssa marca da patruna e da nossas activitads sin il sector dal marketing da persunal. Nus ans legrain da questa distincziun. Ella conferma che la qualidad correspunda er als criteris objectivs da Career», di Alexander Villiger, manader Persunal tar la BCG.

«Best Recruiters» è il pli grond studi scientific en connex cun la recrutaziun da persunal en il territori linguistic tudestg. El examinescha las pli grondas interpresas a maun da var 225 criteris structurads tenor differentas pitgas. Tranter auter èn quai: preschientscha da la recrutaziun online, inserats online ed il tractament da candidatas e candidats.

- infurmaziuns davart il [studi da Best Recruiters](#)
- infurmaziuns davart la BCG: gkb.ch/arbeitgeberin

Contact:

Thomas Müller, thom.mueller@gkb.ch, telefon +41 81 256 83 11

Daniel Daester, daniel.daester@gkb.ch, telefon +41 81 256 88 01

Banca Chantunala Grischuna, Medias & Investor Relations, chascha postala, 7001 Cuira

medien@gkb.ch / gkb.ch/medien

Banca Chantunala Grischuna.

La Banca Chantunala Grischuna porscha tut quai ch'i dovra per ina banca universal moderna – per persunas privatas, l'economia ed il maun public. L'interpresa cun sedia principala a Cuira è represchentada en passa 40 lieus en il Grischun. Cun var 1'000 collavuraturas e collavuratur è la BCG ina da las pli grondas patrunas en il chantun. Sia attaschadadad al Grischun exprima ella en moda multifara. Ultra da sias activitads economicas s'engascha ella cun ses sponsoradis, ses fond da contribuziuns e sias puschidas per lavur voluntara.

La BCG dispona da participaziuns da maioritad a la Banca privata Bellerive AG, a l'Albin Kistler AG ed a la BZ Bank Aktiengesellschaft e d'ina participaziun da minoritad a la Twelve Capital Holding AG. Il scrit da participaziun BCG è quotà a la bursa dapi il 1985.